

06 JUL 1997

AGONG UCAP TAHNIAH HARI KEMERDEKAAN KEPULAUAN SOLOMON

KUALA LUMPUR, 6 Julai (Bernama) -- Yang di-Pertuan Agong Tuanku Ja'afar dan Raja Permaisuri Agong Tuanku Najihah hari ini mengucapkan tahniah kepada Gabenor Jeneral Kepulauan Solomon Moses Pitakaka sempena hari kemerdekaan negara itu.

Seri Paduka berdua berharap persahabatan dan kerjasama yang wujud antara Malaysia dan Kepulauan Solomon akan terus diperkukuhkan.

Perdana Menteri Datuk Seri Dr Mahathir Mohamad turut mengutus ucapan tahniah kepada rakan sejawatannya Solomon Mamaloni sempena sambutan hari kemerdekaan itu.

"Saya amat berharap hubungan mesra yang sedia ada dan kerjasama dua hala yang cemerlang akan diperkuatkan lagi pada tahun-tahun akan datang bagi faedah bersama dan kemakmuran rakyat," katanya.

Menteri Luar Datuk Abdullah Ahmad Badawi dalam mesejnya kepada rakan sejawatan beliau David Sitai berkata beliau yakin hubungan baik dan kerjasama rapat antara Malaysia dan Kepulauan Solomon akan terus dipertingkatkan. -- BERNAMA

RAZ RON